

1957

تويته

تويته
ديوان بالعامية المصرية
حسين جمال
الطبعة الاولى : ديسمبر 2013

جميع حقوق الطبع و النشر محفوظة

© دار روعة

تليفون : 01140178144
E-mail : darrawaa@yahoo.com

رقم الايداع : 2013/5783
الترقيم الدولي : 978-977-6411-87-6

تصميم داخلي : أحمد شوقي
اخراج فني : نهى عبد الوهاب
تصميم الغلاف : كريم آدم

تويقة

ديوان بالعامية المصرية

حُسَيْن جَمَال

دار
الروعة
١٥٧٤٥
للطبوع والنشر والتوزيع

إهداء الى:

- صديقي العزيز "أبي - الله يرحمه"
- الى مثلي الأعلى "جدو - الله يرحمه"
- الى أُمي "العظيمة"
- الى أُمي "الكبير" وأختي "الصديقة"
- الى كل فرد في عائلتي "الكريمة"
- الى كل "صديق شخصي"
- الى كل الـ "SFSians"
- الى شباب المنطقة "مدينة الضباط"
- الى رجلة "دهشور و فوج المقر"
- الى "٨ غرب" و "٨ غرب سياسة"
- إهداء خاص الى عمرو أنور - رحمه الله،
تويني، الأسطى، بهراوي، يارا، بيدو، رضوى،
بسنت، ياسمين، طاهر، نهى، باسم،
وثام، شيري، شادي.




أضحك أفرح
فك الوش
طير حزنك
بره العش
الغي ريچيمك
و أعمل كرش


يمسح جزمة علي الرصيف
يطفح الكوتة عشان رغيف
و ناس تستحقر شكله
رغم انه من جوا
أكثر أنسان نضيف



أنا قبلك طير بجناح مكسور
و حرف تايه وسط سطور
كنت في صف في الف طابور
بستنا في عز الضلمة النور




بدور عندكوا علي شقة
علشان تبقي جارة
هعمل عبيط و انزل السلم
كل لما اشوفك داخله العمارة




بعد آخر ركعة تملي
إدعي بدعوة تبل الريق
أوعي مرة يقل أيمانك
مهما تطول ساعة الضيق



و إنت بتسجد آخر سجدة
خليك متأكد ان الحلم
اللي طلبته في قلب صلاتك
بعد الصلاة راح يصبح علم



سنّ القلم مكسور
من كتر حمّل الحبر
كل الكلام بقي زور
والحق مات م الصبر
ده الحلم مستناش
ان الجمل تترص
والعمر راح ببلاش
ونص الكلام أتقص




أنا لو أكون عصفور
كنت هلف و أدور
و أطير في كل العالم
ولا يفرق حدود ولا سور



أنا لو أكون سمكة
كنت هكون مجنون
ههرب من اي شبكة
و الف كل الكون



أبحث و الهدف لقمة عيش
قل عليا مسافر أو رحالة
مصدر دخلي البقشيش
و طعامي أصبح بواقى الزبالة
اعرف نفسي في بلد المقامات
لقبي المتسول او الشحات
رجلان تدوران مثل الآلة
من غير توقف لساعات و ساعات
اصبحت شبه او قل بقايا انسان
عظام غير كاسية و جسم واهن فان
الفقر عبرة الدنيا لحزين و فرحان
و حياة الدنيا ما دايم فيها الا وجه الرحمن



اه يا بلد الناس فيكي زي التروس
فيها اللي بيشقا علي رزقه
و فيها اللي بيلعب بالفلوس
فيها اللي مغلوب علي امره
و اللي في الفهلوة يدي دروس



كل يوم مصيبة
و مانشيت لمذبحة
حكامنا فيهم العيبة
وقاعدين في المروحة




يا نسيم يا معدي عليها
يا مزغزغ نبض ايديها
و حياتك عندي أمانة
ضحكها ما تبات زعلانة




إوعي تضحك أوي
و أياك يا أبني كمان تبوّر
سيبها علي الله
و عيش حياتك قبل ما تتجوّر




فوق من نومك
و أرمي همومك
ماتصهينش
أبدأ يومك
صلي لربك
ماتطنش



لابس متشيك و القميص كاروه
قاعد و في ايدي حته جاتوه
ناوي لو الجواز قلبوه مزاد
هقوم و يشوفوا غيري يشتروه




الحزن سهل يروح
بس اللي يعرف ربه
ويا صاحبي لو مجروح
صلي و قربه



بداية الحكاية يرسم يوعد
تصدق هي و تاخذ المقلب
في اول غلطة يتركك يبعد
يقع الوش و يطلع تعلب





ريحة الشوارع دم
و الدم دم هتاف
الدام لواد مجدع
و من الموت عمره ما خاف




لا تاخذوا فِيا العزا
ولا تنصبولي صوان
كفاية تفتكروا اسمي
وجنب قبري تقرولي قرآن


زي البلياتشو بيضحك
و الحزن بيه راضي
تسمع في صوته الشجن
و دائماً يقول عادي



من الحضانة للمدارس للجامعة
سنة ورا سنة يطفولي شمعة
و الضحكة تقلب بدمعة
علي ايام حلوة مش راجعة



خايف أفرح تطلع فرحة علي فاشوش
ما اللي اعرفه بقي زي اللي ماعرفوش
عالم ديابة و ياما لسه هنقابل وشوش
عاملين ملايكة و هما أجدعها قروش



أضحك للناس
أعتبره بقشيش
أدهن زعلك
بوش ورنيش
و الغي اللي يضايقك
ب بلوك و تطنيش
سيب ذكري حلوة
ف غيابك هتعيش



كل واحد جوا قلبه حكاية
كل واحد ليه شكل ضحكاية
كل واحد مقسوم نصين
نص في الحقيقة
و نص في المرايا
نص فرح بيكمل للنهاية
و نص حزن ينفع رواية



الدنيا ساعات أبيض وإسود
وساعات تكون ألوان
إوعي في يوم تتغير أو تحسد
ده الطيب هو الكسبان
متبصش لنص الكوباية الفاضي
وأتفائل بالنص المليون
وعيش حياتك بكل مافيها
وقول للحزن انا فرحان




أتوبيس ، حدود ، قطر و عبارة
الموت عندنا شغل و عقد لإعارة
الموت في بلدنا مصالح و تجارة
و مظاهرات ل مكسب و خسارة

في جنازة شعبية ووسيلة
مصر تودع جثمانين 16 شهيدا من ضباط وجنود جمهوريات

علي الرحيل مُجبر يا خال
ما اللي عشقته صعب المنال
الرفض هو هو
والصبر بس اللي طال
شكيت للجبل رد وقال
دي حاجة فوق الاحتمال
مش كل حلم بيصبح حقيقة
كثير بيفضل.. مجرد خيال




الراجل عرفوه بالجدعنة والشهامة
مش بالتحرش ولا بالخيانة
البنت حيلتها شرفها والكرامة
حافظ عليها دي مبعوتالك أمانة




عملوا الصبح و هيجبوا الأباحة
يطلع شباب يقول
سيبوا للحرية المساحة
و أشمعنا أدم و حواء أكلوا التفاحة
مستني ايه من جيل قلب السبحة لسلسلة
فعلاً.. يا دي الكسوف.. يا دي البجاجة



حدوتة كل يوم.. ف إشارة مرور
عسكري متغرب عبد المأمور
و عربية زيرو و بصة غرور
و طفلة سارحة بأكياس مناديل
بتمحي من قلبك كلمة سرور



أوعي تزعل يوم علي بختك
الدنيا ايه غير حبة صبر
تلعن حظك.. تغضب ربك
و آخرتنا يدوب كفن ف القبر




أنا لو أكون ف يوم مسئول
هقص ريش كل الديابة
أصرخ أحارب و أفضل أقول
اللحمة حق كل الغلابة



عداد المواليد ف شارع الطيران
ينذر بكارثة .. أنفجار سكان
يا خوفي الناس تأكل ف بعضها
و نصحا ف يوم منلاقيش مكان

98765432 10

كدب وتخوين وشتايم ف الاعراض
وكلهم ف الكراسي طمعانين
الناس زهقت و صبرهم فاض
من دول سُلطة ودول معارضين



أنا اللي جاتلي كل الامراض
أنا اللي صبري منكم فاض
أنا اللي قاموسي كله ((يا باشا))
و أنا اللي أسمه أصبح ((ياض))
#عساكر الامن المركزي



دم اللي يتظاهر عندكم غالي
و أنا اللي دمي دايماً رخيص
رؤساء و غلطوا طب و أنا مالي
ولا عشان مش لابس بدلة و قميص



أكاد أبكي يا مصر لأجل عيونك
فقد نكر فضلك الجميع
انتشرت الفوضى و الكل يخونك
و صرتي خريفاً ينتظر الربيع



بدور علي صُحبة.. مبقتش موجودة
و علي مخرج ل مشاكل حيطانها مسدودة
أرجع أفكر.. الأقيها فزورة ملهاش حل
و أن الحياة قلبت معايا بحدوتة




ناس ترد ليها الروح لو كلت بصارة
وأطفال فرحتها تشاور من بعيد للطيارة
بنات تفرح بصورة البصة و النضارة
وشباب تحب وقفة الكشك ويا السيجارة



سحراً خلاباً يخطف كل الانظار
يرسم البسمة علي وجه الاشجار
يجعل الموج يتراقص مع الامطار
و النخل يتمايل فرحاً مع الازهار





أنا اللي جواكى جوايا
وأنا اللي بـ حُبِك رَسُول
فى عينيكى مُعجزه وآيه
وعن جمالك هفضل أقول
بحبك.. هقولها وهعلن إيمانى
ول جنة هواكى هتمنا أنول


صنف الرجالة.. ده صنف أنقرض
مش هخسر ضحكتي علشان واحد ولد
ولا عاش اللي يضايقني ولا لسه أتولد
وهلطُش اللي يعاكسني في وسط البلد



لأجل لقمة عيش عياله
كان بيتعب من سكات
لا حد منهم قاله ماله
و كان لوحده لما مات



علموني من صغر سني
أن الاستهزاء لا يجوز
لا اللي قدامي أقل مني
ولا ينفع عمله أراجوز







يا أم النخيل طارح
طرح الجمال أجمل صبية
يا أم الحمام سارح
جمالك كلام و لحن لأغنية




هو أنتي ليه يا حبيبتي
حُبك روتين
حُب على شدته في بدايته
وانطلاقه بحريته
دلوقتي ساكن سجين
كل مدي بنرجع ل ورا
مشاعرنا أصبحت متكرره
وكأنها واجب ثقيل على اتنين
غصب عنهم مع بعض مسجونين
هو احنا ليه يا حبيبتي
أصبح لقانا مجرد روتين




لا أحنأ ف حاجة لدعم الطب
ولا محتاجين تطوير تعليم
تعليمنا عال و شعاره بالحب
و صحتنا فل بدواء و ريچيم






بقيت لصوتك زي المدمن
وفي ثقتي فيكي أكيد مؤمن
ولو إدماني و أيماني اصبح جُرم
ف أنا من النهارده قلبت مجُرم



عائش الحاضر في ماضيه سرحان
يوصف حاله ببخت مايل.. ده شؤم غربان
يكتم حزنه و من الكلام رابط لسانه
ولما يكذب كدبه مفضوح.. لو لعيل يبان




أتعلمت في المدارس
أن القطر أسمه توت
بس نسيوا يقولوا ليا
أن بسببه في يوم هموت
و دلوقتي بس فهمت
يعني ايه راحوا عند ربنا
زي صحابي في الاتوبيس
و زي المدعو انا
#قطار أسيوط




ثانية.. سؤال من المستر
عدوا ليا كام وفاة و كام مصاب؟
مستر مستر.. رفعت أيدي
ما أنا كنت شاطر في الحساب
ضاع كشكولي.. ضاع الكتاب
أسمي في الكشف.. أتاخذ غياب
و يا خسارة ده النهارده
كانت حصة الالعاب
#قطار أسيوط



عسكري بعيد عن اهله و ناسه
يسلي صيامه علي الحدود ويا سلاحه
مستني الادان يكسر علي التمر صيامه
يموت غدر و الشهادة علي لسانه
كالعادة موقفنا سلبي و عن القصاص متكلموش
نتلهي بالهيافة و بأساحبي و أحبوش
للمبررات و الاسباب دايماً نحت الرتوش
و جنود ابرار دمهم رخيص في النعوش
#جنود رفح



درس و لازم تتعلمه
قول اللي في نفسك و أوعي تحوش
مش هتندم بكرة علي اللي قلته
هتندم علي اللي ماقولتهوش



بحلاوة الروح و قلب طفلاً صغير
هي جميلة بل أجمل نساء الكون
نساءً رأّت العين منهم كثير
هم الوان متكررة و هي متفردة اللون
في الصبح شمساً.. لا تشرق بدونها
وفي الليل قمراً.. أكتمل بدر
هي حجراً نفيساً.. لا يقدر ثمنها
هي حلم عمر و دعاء ليلة قدر



انا اسم مكتوب بالقلم الرصاص
انا حبر مدلوق علي ورق
انا شهيد طلقة رصاص
انا قلب ام اتحرق
حكايتي ملهاش أي صوت
حكاية متقاله لصنم
أنا حرف مشطوب مـ الكلام
أنا عجز.. أنا شئ من عدم
أنا صرخة صوتها ما يتسمعش
و حرف أخرس ما انحكاش
انا معني كلمة ماتتفهمش



و صبر فايض ما انتهاش
انا حلم ثورة.. تاه ركن
دخل الضباب دفع التمن
انا حزن.. انا حالة شجن
أنا في البطاقة.. أسمى وطن

الاسم الأول جمهورية مصر العربية
باقى الاسم
العنوان
القسم/المركز - المحافظة
الرقم القومى


ع الرصيف بقي أسطي بارع
و شُغله مطلوب في المصانع
أتقن عمله.. ربه كرمه
و أسمه سمع ف كل شارع




شاب مليون بالحماس
شق طريقه بضربة ل فاس
و بدعوة صادقة لرب كريم
أرضه صبحت "مصنع نحاس"



فرحتي من ضحكتك
مرتب يكفي لأخر الشهر
و علشان خاطر صحبتك
هدفع لابوكي أي مهر




شوية دنجلة ع الكورنيش
مع حبة ترمس في القرطاس
فلوكة و لفة في وسط النيل
لوحدك كدا من غير الناس



ساعات باجي عليکي
لما بکون زعلان
بس الاهم اني
مش بشکي غير ليکي
ساعات اشتکيلک
و کتير اشتکيکي



داويتى الدمعه بالضحكة
و بينتى عكس احساسك
مسحت الدمعه من عينيك
غرقى فى بحر احزانك



نداء لمن يهمله الامر
و نداء عاجل لكل أم
الحجاب مش بس طرحة
و نازله مشمرة نص الكُم







كل يوم تزن عليا
وتقولي يلا قوام انجز
روح للكشك بسرعة
وهاولي نويتلا وتوينكز
وكمان هاتلي كادبري
ومورو و كيت كات
ياما تتفضل تمشي
ومتكلمنيش ع الشات
كله ده كوم

وكوم تاني الفلوتس والجالاكسي
لو ماجبتهمش في يوم
بتسبني وتروح ف أول تاكسي

تداري حزنك بـ كلمة "عادی"
وضحكة فالسو و شويه مفیش
من براك یبان أنك هادی
وجواک بیصرخ.. مش قادر تعیش



نزلت الف في الشوارع
شُفت اللي نازل واللي طالع
شُفت اللي بيشكي همومه
واللي بيداري فهدومه
شُفت اللي طائر م السعاده
شُفت اللي تايه ف العباده
واللي غرقان ف بحر ذنوبه
شُفت اللي بيشرب قهوه ساده
واللي بيشربها بزيادة
شُفت اللي دمه خفيف
وبرده شُفت السخيف
شُفت اللي نايم ع الرصيف
شُفت اللي من فقره ضعيف
الفجر أدن في الجوامع
ولسه بمشي ف الشوارع



خلاص مابقيتش بخاف
ولا بفتح قلبى لأى ضيوف
والضحكة اللى كنت كاتمها
بضحكها بدل المرة ألوف



بحب اسمع فی قرآنه
وبطمع دائماً فی غفرانه
اقعد فی ملکوته .. واحلم برسوله
واتمنى فی يوم لو اسمع صوته






حبه شعر ف عيونك مايكفوش
ده يدوب لازمك ديوان
أفضل أكتب فيه كل ليلة
و اظبط القافية و الأوزان


الدنيا مسرح خشب
فوقيه البشر أراجوز
الحزن فيه للركب
والحلم فيه لا يجوز
أحلام مثيرة للعجب
والضحك فيه بفلوس






فى عز الليل
وبعد الفجر ما يأذن
يجينى طيفك المعهود
بحبل حنان طويل مشدود
يعبى ف قلبي و يخزن

عينيكى اليمين باسبوري
والثانية هي التأشيرة
صالحتك أهو بكلمتين
ما تفكي بقى التكشيرة



انا زقاق ف قلب حارة
وعمارة آيلة للسقوط
انا شرخ شقة ع المحارة
وعشش فيها العنكبوت







أتغيرت فجأة وقالتلى بحبك
و أنا صدقت من غير أى دليل
قولت لها بحبك.. قالتلى مغفل
فيه حد يصدق كدبة ابريل



عامل فرحان ووشى ضاحكك
ولا عمرك شوفتى ع خدي دموع
ايوة انا بضحك بس بحرقة
فكرك يعنى انا مش موجوع



يا ملل ملّيت انا منك
ومن كل اشكال الكآبة
غرقان ف بحر اسئلة
ومش لاقى شط الأجابة



وكام من ضحكة كدابة
وكام من دمة متسابة
سكنت في يوم ع الوش
وكام من فرحة شطبت
وملاقيتش ايد طبطبت
أو حد قال معلش




آدي الدبله دخلت ف إيديكي
وآدي الفرحة تغطي عينيكي
شايف لمعه تداري الدمعه
أيوه النظره دي لايقه عليكي




لسه فاکر کل ذکرى مش ناسيها
لسه عندى کل صورة کنتى فيها
لسه قلبى نفسه تانى ترجعيله
حلمه تانى يسمعك بتناديله




أعمل عمرة وزور الكعبة
وادعي لربك يصلح حالك
ومهما تكون احلامك صعبة
أكيد هيحقق اللي في بالك



ياللي أنتي ف النفسيم رنجة
ياللي أنتي صوتك كامنجة
ياللي أنتي في الحلاوة
غلبتي حتي طعم المانجة
#غزل شعبي



أنا نازل في البوستات لايكات
وساعات بستلطف بالكومنتات
لا بكلم غيرها علي الشات
وبقلب في صورها لـ ساعات




عليّ الضحكة وقت الهم
اضحك أفرح يا عم
ألغي كل حاجة تضايقك
ولون حزنك بخفة دم



هي ملاكاً في حُلة إنسان
أجمل وردة في البستان
تجعل من الخريف ربيعاً
و تجعل من الاسود الوان




بشوف نفسى فملا محك
وبتشوفى نفسك فى ملامحى
مع إن لون وشي أبيض
ومع إن لونك أنتي قمحى



أنا أصلاً مش عايز أتجوز
أنا واحد بيحب الوحدة
لا عيل في وشي يفضل يبوز
ولا واحدة تُقفل عالواحدة




أعجابي بيكي
عمره ما كان في يوم أشاعة
لو بأيدي هرجع تاني لأبتدائي
وهقول بحبك ف الاذاعة






ماشاء الله حبيبتي تغزي العين
العيون العسلي ويا الرمشين
النجزة بارزه منورة الخدين
والشعر الطويل أبو ضفيرتين

وانا ليه اخاف من الضلمة
وأنا اصلا بخاف مـ النور
بيقولوا الضلمة دى بتستر
لكن ضلمتى بتكشف المستور



على مر العصور محدش وعى ذلک
ان الدنيا فانية و ولا تسوا ناموسة
لسه البشر على جناحها بتتعارك
وعاوزين خاتم سليمان و عصا موسى




وحشني الاتاري و مسلسل ونيس
واللعب ف الشارع مع الجيران
وحشني اللبان السحري والنايتي
وكيس ال قلبظ الكسبان
وحشني نادي السينما وبانوراما فرنسية
وكيس الشيبسي المليون
وحشني فيلم صعيدي في الجامعة الامريكية
ووحشني القلم أبو ٤ ألوان
وحشنتني أغنية دباديبو
ولما بسمع درسي بالطباشير عالحيطان

وحشني اني اركب المراجيح
مع اصحابي ف ليلة العيد
وحشني بابا وهو يجلي كوتشي جديد
وحشني وهو يقول
أشرب اللبن علشان تبقي حديد
وحشني الصندل ابو فراشات
والفستان ابو فيونكات
بالعربي وحشتني أيام التسعينات




في عقله يترسخ اسمها
ويجوب بخاطره رسمها
يذكر رائحة عطرها
واحمرار الخدين من خجلها
النبرة التي تكسو صوتها
وبراءة الاطفال التي تملأ وجهها
ضحكتها وجمال شعرها
الكحل الذي يزين عينها
تميزها عن غيرها بهدوئها
وفي وقت المرح بخفة ظلها
مقامها الذي يرتفع باخلاقها
ليس بطول حذائها
التسامح بدون التخلي عن كبريائها

العفوية ما هي الا تاجاً علي رأسها
لا يكف ولا يمل من سرد سحر جمالها
الفرح في قلبه لا يرحل بعد كلامها
اعتبرته افضل من يحمل لقب زوجها
وعدها ان يكون صديقها قبل حبيبها
ان يكون مطيعاً كعلاقة معلمة و تلميذها
ان لا يغضب حتي لا يخدش قلبها
ان يحارب كل مكروه ليصونها
يظل للأبد وفياً في حبه لها
ويدعو ربه دوماً ان يكون يومه قبل يومها




عيناً تبكي دمعاً لغيابي
وعقلاً يخاف بشدة من فقداني
بداخلك يجب ان ترددي هذا فذلك حالي
قلباً يرقص فرحاً من حسن الاختياري
و صوتاً يغرد في أذني كعصفور الكناري
تاريخ صلاحية حبك لمدي الحياة ساري
مع كل يوماً اراكي فيه يزيد بداخلي اليقين
لكونك اجمل النساء ساقدرك بكل غالي و ثمين
شمساً في سمائي لن تغيب
وقمراً في المساء ولكن بالجوار قريب
وجودك بجانبني ينير لي الطريق


يا حبيبتي و ملهمتي و يا اقرب صديق
عهداً علي ان تبقي من كل شر مصانة
لا تأنيب او كذب او اهانة
فانتي حياتي بكل صدق و امانة
ان غبتي غابت البهجة والبسمة
وحياتي تصبح كالالف بدون الهمزة
لذلك احسد نفسي لكونك كنزاً او قطعة ماس
فقل اعوذ برب الفلق من حسد الناس




مصر هتفضل وطن الجميع
من أول بحري لحد السد
سواء كانت صلاتك الجمعة
أو كانت صلاتك ال حد



بقالنا يومين مبنتكلمش
ولا حد بيسأل ع الثاني
و إن فتحت ال Chat مبنتكلمش
شكلها بتحاول تنساني
قولولها لو كدا مبسوطه
انا همشي ومش راجع ثاني



يوماتي بقلب ف موبايلى
واتفرج على صوري معاها
و status نازله ف بروفايلى
بكتبها ما يمكن تقرأها



Hussein Gamal

وحدك أسى ر نالى ا 😊


Like Comment Share

6 people like this


عن واحده بس ضحكتها
تخلي القلب يتنطط
لو صاحي ف يوم مش رايق
بشوفها حالي يتظبط
وبقابل علي قد ما بقابل
قصاد الناس بكون حاجه
وقصاها ببقلي متلخبط



الحب ده فوزرة و كلمات متقاطعة
وقصص فراق مليانة ألغاز
يا حب و دلع وأسهم طالعة
وقصه مكمله تخلص ب جواز




تعاندي ولما افهمها
تزعل مني وتكشر
اضايق منها واخاصمها
وابين نفسي متأثر
فمهونش عليها وبتقولي
أنا بتقل بس مش اكر



البسمة بعد دمة حزن
إحساس بجد ميتوصفش
اكسر زعلك تملّي بضحكة
وعن الفرحة متتنازلش



مهما بحاول واقف في مكاني
والدنيا معنداني أفرح لو مره
كأن الحزن حاجة ملازماني
وكأن الضحكة مسجونة مش حُرّه



دخل القهوة و طلب الشاي
وسرح بخياله ف اللي جي
نص عمره ضاع ع الفاضي
والنص الثاني هيعدي أزي



الفقير في حرب يوماتي مع الجوع
لا يهتم أنه ماشي حافي
أو أن قميصه مقطوع
حياتهم بؤس و كعب داير
و الحلم خط أحمر ممنوع
ما هو مهما حاولوا يصرخوا
صوتهم يفيضل مش مسموع




و بدام خايف تصارحها
متلومش لو ضاعت من ايدك
خد خطوة أتلحاح و فاجئها
قبل ما تمل وتسيبك



لا تقولي في حجج ع الفاضي
ولا ترجع تشكي تاني ف همك
أنك تألف و تكذب بقا العادي
ما الكذب طبع بيجري في دمك




أصل محدش فيكم
شاف سحر جمالها
دي بتضحك ضحكة
تثبت بيها دولة بحالها



يا من بعينك و يدك متحرشاً
ضع غضب الله في الحسابان
لو لم تكن لغرائزك متحكماً
فلا خجل من تسميتك بالحيوان



طار من الفرحة طول اليوم
لما لاقاها في يوم ضحكته
رجع أتسرق من عينه النوم
لما أتقاله أنها "بتجامله"



بلاش الفكرة تكون فكرة
وتحيا الفكرة لو مشروع
فى ناس بتعيش على الذكرى
وناس بتموت من الجوع



أنا الواد اللي غنالك
حاجات فيروز و عمرو دياب
أنا الواد اللي قالهاك
بحبك حُب مش كداب
أنا الواد اللي وفالك
بكل كلام أنا قولته
أنا الواد اللي بيصالحك
بشيكلاته و كيسين مولتو




الأسود بقا لون حياتك
خلصت آخر علبة ألوان
ده الخوف ملأ عيونك
والضلمة في كل مكان
خابت كل ظنونك
وقتلوا جواك الأنسان
هتجف في يوم دموعك
وهتخلص حياتك بالمجان



بتدوقى دموعك المالحة
و هو مطنش كالعادة
نصيحة لبُكره يا فالحة
بلاش تشتاقى بزيادة



و هي كمان خفيفة الروح
بتلبس من الجمال فساتين
عيونها جمال تبان طفلة
ملاك ما يجيبش ٦ سنين




متغرب عنك مش طايلك
و الأمر ده خارج عن إيدى
أنا طول الوقت ف بروفائلك
مستنى ال Status تيجى



حضنت المياه فى البانيو
ودعكت أيدي بالليفة
خرجت بسرعة م الحمام
Eifa عشان العب دورين
لعبت ساعتها ماتش وحيد
ونمت عشان زكامى شديد
حرارتى ساعتها كانت عالية
وجابولى روشة م الغالية
سمعت الوالدة نُص الليل
بتدعيلى يا رب اشفيه
ومتأخذوش فى أخطاؤه
ومتحاسبوش لتلقائه.. وبارك فيه


ساعتها قمت من نومى
مفیش حاجة.. ففجأه بكيت
سامحنى يا رب فى سؤالى
أنا بذنبى خلاص حسيت
لقيت الدنيا بتتفتح
وشمس الكون بتضحكلى
هتسأل ليه؟ عشان صليت







لَمْ الباقي منك.. روحك ماهيش ناقصة
فاضحكها ضحكة.. وارقصلها رقصة
فضفضلها همومك.. فصلها هدومك
احكيلها حكاياتك.. وشاركها فحياتك
علمها حُب الغير.. علمها فضل الخير
فرجها فيلم قديم.. عرفها رب كريم
ولو هي مش عايضة.. دندنلها فيروز
ده مسيرها يوم تضحك.. ولكل قاعدة شذوذ

معرفة ليه من قيمة أسبوع
وأنا حاسس إنى بقيت موجه
يمكن عشان ملل الروتين
يمكن عشان مبقيتش أطول فى الركوع
يمكن عشان حمل همى ثقله أكبر م الجبال
يمكن عشان صحابي مبقوش يكتروا فى السؤال
وارجع تاني ألوم الدنيا
علشان ما فضلت يوم على حال




القلب طبيعى يكون موجود
علشان الدم يزور الجسم
الفكرة أساساً مش فى اللون
و لا فى الطول ولا فى الاسم
الفكرة تكون إنك حسّاس
و الناس تتعالى عليك بفجور
الفكرة ف غربة فى وسط الناس
و متساب طيفك فى طريق مهجور
متفتح فيك ١٠٠ جرح قديم
و برغم كمان إن انت سليم
مُضطرب تروح برده لدكتور





كام واحد للذنب غافر
وكام واحد فكر يهاجر
كام واحد عن ربه بعيد
وكام أمر ب الفراق صادر


الدنيا بتظهر قدامي
ترابيزة دومنة و مقفولة
ده ياريت العمر ما كبرنى
وخلاني مكمل سنة أولى



يوم ما طلعتى بكل أمانة
وقولتى أنا أصلا بعدك مين
يوم ما ظهرتى بوش جبانة
وقولتى الدنيا دي لعبة
بتفرق بين البني آدمين
يوم ما رجعتى تقولى بحبك
ما تسبى الكذب لناس تانيين




فى عز الليل جفون بتنام
علشان تحلم بيوم فرحة
وعين تحلم بحد فارقتها
ومش نايمة لكن سارحة




أنا كل ما بطلع من حفرة
ألقاني وقعت ف ١٠٠ ورطة
وكل ما اقول أنا مش هغلط
ألقاني بعيد نفس الغلطة




حب يعنى بيت و فرحة
يعنى طرحة ويّا بدلة
حب دبله فيها قصة
بيها بكرة يبقى احلى




شايؑ بنات ءواء
أم وأءت وزوءة
وشايؑ ولاد آدم
من غيرهم ولا ءاجة



أضحك جدا وسط صويت
واتجرء و أنطق حرف
لو شاوروا وقالوا "عبيط"
قول ده الضحكة تهد الضعف



فرح تفرح.. عيش مبسوط
ضيف للكلمة حلاوة صوت
حلاوة الدنيا لو تفهمها
و حلو الشاي لو بالبسكوت



لسه برسم ليكي وردة
ع الحيطان اللي تقابلني
لسه بدعي ف كل سجدة
ابقي ليكي و ترضي عني



ده غير أنك أحلي البنات
بحب اللدغة فى كلامك
راح أعيشلك بأنكار ذات
وهطلعلك فى أحلامك






أنا سبت كلام الناس يخذش
أنا سبت الدنيا و مشاكلها
أنا عشت كثير ماسك ف حبال
بتدوب من أول ما المسها



بلاش تضحك بدون دافع
ولا تبكي علي شئ خسيس
لا عُمر الماضي ف يوم راجع
وعُمر الذهب ما يبقا رخيص



من كُتِرَ الضغط النفسى عليك
تلقاك و كإنك حقة تلج
ف حُضن القرن أبو نار عالية
أو جسم ضعيف.. منزوع الطيف
متصاب بطاعون مجنون و ملاريا



هعیش علشان عینیکی السود
هحبك حُب مش محدود
هناملک عین بتحمیکی
وأطمئن قلبك الصافی
عشان لو كان فی یوم مخضوض



ثم إنك حاجة نادرة
مش بتتكرر كثير
ثم إن حُبى ليكى
حُب أكبر من الكبير



محدث علشان فراق
يعلق همومه عالفاترينة
لا يا صاحبي لازم تعرف
كل الموضوع يومين
مع كام اغنية حزينة



اللى جى زى اللى فات
كله مفهمش الحكاية
كله شاف تتر النهاية
وقام يروح من سكات



The End